

Ո Ր Ո Շ ՈՒ Մ թիվ 39
Վարչական տույժ նշանակելու մասին

«25» փետրվարի 2021թ.

ք. Երևան

ՀՀ պետական եկամուտների կոմիտեի իրավաբանական վարչության պետ Արման Մնացականյանս, քննելով Ալի Աբդուլալի Հեմմատիի վերաբերյալ նյութերը.

Պ Ա Ր Զ Ե Ց Ի '

2020 թվականի դեկտեմբերի 01-ին ՀՀ ՊԵԿ Մաքսանենգության դեմ պայքարի վարչության և ՀՀ ՊԵԿ Հարավային մաքսատուն-վարչության աշխատակիցները Մեղրիի մաքսային կետ-բաժնի տարածքում գննության են ենթարկել ՀՀ-ից ԻԻՀ մեկնող, ԻԻՀ քաղաքացի Ալի Աբդուլալի Համմատիի կողմից շահագործվող «HOWO» մակնիշի, 20B223/4-10 հաշվառման համարանիշի բեռնատար ավտոմեքենան, ինչի արդյունքում, նշված բեռնատարի վարորդի խցիկի ննջարանի ներքնակի տակից, վարորդի խցիկի գրպանիկից և բեռնատարի կցորդի աջ կողմի պաշարների համար նախատեսված խցիկից հայտնաբերել, մաքսային հսկողությունից թաքցնելով, ՀՀ մաքսային սահմանով տեղափոխող 179,5 կգ ընդհանուր քաշով 179 հատ սկավառակ՝ նախատեսված էլեկտրոնային սղոցի համար:

Փաստի առթիվ Ալի Աբդուլալի Հեմմատիի նկատմամբ ՀՀ մաքսային օրենսգրքի 201-րդ հոդվածի հատկանիշներով կազմվել է մաքսային կանոնների խախտման վերաբերյալ արձանագրություն, իսկ վերցված 179,5 կգ ընդհանուր քաշով 179 հատ սկավառակները՝ որպես իրավախախտման անմիջական օբյեկտ, վերցվել և ի պահ են հանձնվել Մեղրիի մաքսային պահեստում:

25.12.2020թ. նշանակվել է «Ապրանքագիտական փորձաքննություն», որի կատարումը հանձնարարվել է ՀՀ «Փորձագիտական կենտրոն» պետական ոչ առևտրային կազմակերպությանը:

01.02.2021թ-ի որոշմամբ Ալի Աբդուլալի Հեմմատիի վերաբերյալ վարչական վարույթի ժամկետը երկարաձգվել է՝ մինչև փորձագիտական եզրակացություն ստանալը:

ՀՀ «Փորձագիտական կենտրոն» պետական ոչ առևտրային կազմակերպության փորձագետի 17.02.2021թ. թիվ 30402010 եզրակացության համաձայն՝ փորձաքննությանը ներկայացված 179 հատ սկավառակի շուկայական արժեքը 2020 թվականի դեկտեմբերի 1-ի դրությամբ ընդհանուր կարող էր կազմել 3,615,000 ՀՀ դրամ:

ԵԱՏՄ մաքսային օրենսգրքի 2-րդ հոդվածի 1-ին մասի 25-րդ կետի համաձայն՝ «Միության մաքսային սահմանով ապրանքների անօրինական տեղափոխում է համարվում ապրանքների տեղափոխումը Միության մաքսային սահմանով այն վայրերից դուրս, որոնցով, սույն Օրենսգրքի 10-րդ հոդվածին համապատասխան, պետք է կամ կարող է իրականացվել ապրանքների տեղափոխում Միության մաքսային սահմանով, կամ այդ վայրերում գտնվող մաքսային մարմինների աշխատանքային ժամանակից դուրս, կամ մաքսային հսկողությունից թաքցնելու կամ ապրանքների ոչ հավաստի հայտարարագրման կամ չհայտարարագրման կամ ապրանքների վերաբերյալ ոչ հավաստի տեղեկություններ պարունակող փաստաթղթեր

օգտագործելու միջոցով եւ (կամ) նույնականացման կեղծ կամ այլ ապրանքներին վերաբերող միջոցներ օգտագործելու միջոցով:

Մաքսային կարգավորման մասին օրենքի 73-րդ հոդվածի 2-րդ մասի համաձայն՝ Հայաստանի Հանրապետության սահմանով արտահանվող ապրանքի մաքսային արժեքը գործարքի գինն է, այսինքն՝ այն գումարը, որը փաստացի վճարվել է, ենթակա է վճարման կամ պետք է վճարվեր ապրանքը արտահանելու նպատակով ձեռք բերելու և մինչև Հայաստանի Հանրապետության սահմանը տեղափոխելու համար:

ՀՀ Մաքսային օրենսգրքի 189-րդ հոդվածի համաձայն՝ մաքսային կանոնների խախտում է համարվում անձի կողմից կատարված անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության մաքսային սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենսգրքով նախատեսված է պատասխանատվություն: Ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության:

ՀՀ մաքսային օրենսգրքի 201-րդ հոդվածի համաձայն՝ Հայաստանի Հանրապետության մաքսային սահմանով ապրանքների տեղափոխումը՝ մաքսային հսկողությունից թաքցնելով, այսինքն՝ գաղտնարանների օգտագործմամբ, ապրանքների հայտնաբերումը դժվարացնող այլ եղանակներով կամ ապրանքներին այլ տեսք տալու միջոցով՝ հանցագործության հատկանիշների բացակայության դեպքում՝ առաջացնում է տուգանքի նշանակում՝ այդ ապրանքների մաքսային արժեքի չափով:

ՀՀ մաքսային օրենսգրքի 219-րդ հոդվածի համաձայն՝ մաքսային կանոնների խախտման վերաբերյալ գործը քննվում է վարչական պատասխանատվության ենթարկվող անձի մասնակցությամբ, չներկայանալու դեպքում կարող է քննվել նաև տվյալ անձի բացակայության դեպքում, եթե քննության տեղի ու ժամանակի մասին սահմանված կարգով նրան տեղյակ է պահվել, սակայն վերջինիս կողմից որևէ միջնորդություն չի հարուցվել, կամ եթե անձը բացակայում է, և հայտնի չէ նրա գտնվելու վայրը, կամ եթե նա գտնվում է Հայաստանի Հանրապետության սահմաններից դուրս:

Ալի Աբդուլալի Հեմմատին 2021 թվականի փետրվարի 25-ին հրավիրվել է ՀՀ ՊԵԿ հրավաբանական վարչություն՝ իր նկատմամբ ՀՀ մաքսային օրենսգրքի 201-րդ հոդվածի հատկանիշներով սկսված վարչական գործի քննությանը մասնակցելու համար և միաժամանակ նախազգուշացվել, որ համաձայն ՀՀ մաքսային օրենսգրքի 219-րդ հոդվածի՝ ներկայանալու դեպքում վարչական գործի քննությունը կիրականացվի առանց իր մասնակցության, սակայն վերջինս պատշաճ ծանուցված լինելով հանդերձ չի ներկայացել:

Այսպիսով, նյութերով պարզվել է, որ 2020 թվականի դեկտեմբերի 01-ին, Ալի Աբդուլալի Հեմմատին, մաքսային հսկողությունից թաքցնելով՝ մասնավորապես այտնաբերումը դժվարացնող եղանակով, բեռնատարի վարորդի խցիկի ննջարանի


ներքնակի տակից, վարորդի խցիկի գրպանիկից և բեռնատարի կցորդի աջ կողմի պաշարների համար նախատեսված խցիկում թաքցրած ՀՀ մաքսային սահմանով տեղափոխել է 3,615,000 ՀՀ դրամ արժեքով 179 հատ սկավառակ, այսինքն՝ թույլ է տվել ՀՀ մաքսային օրենսգրքի 201-րդ հոդվածով նախատեսված մաքսային կանոնների խախտում, ինչը հիմնավորվում է մաքսային կանոնների խախտման վերաբերյալ կազմված արձանագրությամբ, 01.12.2020թ-ի մաքսային գննման (տեսագննման) թիվ 01122020U/332020 ակտով, ՀՀ «Փորձագիտական կենտրոն» պետական ոչ առևտրային կազմակերպության փորձագետի 17.02.2021թ. թիվ 30402010 եզրակացությամբ:

Վերոգրյալի հիման վրա և ղեկավարվելով ՀՀ Մաքսային օրենսգրքի 201-րդ հոդվածով, 206 և 221, 224 հոդվածներով,

Ո Ր Ո Շ Ե Ց Ի

1. Ալի Աբդուլալի Հեմմատիին (ծնված՝ 31.05.1970թ., ԻԻՀ, ք. Մարանդ, անձնագրի համարը Y37568064) ճանաչել զանցառու ՀՀ մաքսային օրենսգրքի 201-րդ հոդվածով և նրան տուգանել ՀՀ մաքսային սահմանով թաքցնելով տեղափոխված 179 հատ սկավառի մաքսային արժեքի չափով՝ 3,615,000 ՀՀ դրամ: /վճարումը՝ 900005024055 հաշվեհամարին/
2. Վերցված ապրանքները կարող են վերադարձվել տուգանքի վճարումից հետո՝ մեկ աշխատանքային օրվա ընթացքում:
3. Որոշման մասին հայտնել Ա.Հեմմատիին՝ պարզաբանելով, որ ՀՀ Մաքսային օրենսգրքի 221-րդ հոդվածի 2-րդ մասի համաձայն՝ որոշումն ուժի մեջ է մտնում կայացման պահից: ՀՀ Մաքսային օրենսգրքի 222-րդ հոդվածի համաձայն՝ որոշումը կարող է բողոքարկվել վերադաս մաքսային մարմին՝ դա կայացնելուց հետո 10 օրվա ընթացքում կամ ՀՀ Վարչական դատարան երկու ամսվա ընթացքում

ԻՐԱՎԱԲԱՆԱԿԱՆ
ՎԱՐՉՈՒԹՅԱՆ ՊԵՏ



ԱՐՄԱՆ ՄՆԱՑԱԿԱՆՅԱՆ